

Segun Tico Croes

Rudy Croes no conoce historia di MEP

ORANJESTAD(AAN) -- Parlamentario Tico Croes di AVP a reacciona riba declaracion di Rudy Croes encuanto himno di MEP.

Segun Tico Croes, himno di MEP no a worde composita na 1970-1971, pasobra ora MEP a worde funda tabata a base di un federacion entre e islanan di An-

tiyas. El a bisa cu mihor Rudy Croes bay les programa di MEP pa e eleccion di 1971, esta e promer eleccion na cual MEP a participa.

Tico Croes a sigui bisa cu e tempo ey MEP tabata kier un federacion entre e islanan di Antiyas pero AVP a keda mantene su separacion, locual cu a worde

yama despues Status Aparte.

Cu AVP su separacion tabata basa riba racismo ta opinion di Rudy Croes cu ningun hende no por kere, pasobra con bo por splica anto cu Betico bo ruman q.e.p.d. a bay riba lista di AVP dos biaha, a bira miembro di Eilandsraad y di Staten pa AVP y tambe a cubri e posicion di diputado pa AVP.

Tico Croes a enfatisa cu si Rudy ta tilda AVP cu separacion tabata basa riba racismo anto den e mesun rosea e ta culpa su ruman como complice, locual no ta corecto.

Segun Croes, e himno di MEP a worde composita na 1972 y no 1970 - 1971, pasobra MEP a worde funda na Februari 1971 y e tempo ey algun di e per-

sonanan cu tabata den Eilandsraad pa AVP a bay cu e asientonan di AVP pa funda MEP. Esaki ta e historia corecto. Hasta a bay asina leu, cu si no tabata pa un Juez imparcial, awe lo no tabata tin MEP, pasobra Betico kier a bay cu e nomber AVP tambe pues ta imposible cu e lucha por tabata basa riba racismo.